

大日本史記

列傳

廿五



1冊
775
25

大日本史卷一百二十一

列傳第四十八

權中納言從三位源光圀修
男權中納言從三位綱條校



巨勢麻呂

大伴旅人 子家持

大野東人

田中多太麻呂

坂上苜田麻呂 道寫島足

大伴駿河麻呂 百濟俊哲



紀廣純

藤原繼繩

大伴益立

藤原小黒麻呂

巨勢麻呂祖大海推古朝授小德冠入志丹舒明朝

為京職亮叙直大參續日麻呂持統朝授直廣肆本

紀慶雲中為民部卿時從四位下和銅中為左大辨

在官公平授正四位下陸奧越後蝦夷等侵擾良民

徵發遠江駿河等七國兵以麻呂為陸奧鎮東將軍

賜節刀授軍令與民部大輔佐伯石湯內藏頭紀諸

人出自兩道討之賊乎進正四位上六年進從三位

靈龜元年拜中納言奏建出羽國已經數年土地膏

腴田野廣衍然吏民稀少狄徒未馴請從近國民以

實之綏撫狄徒兼保地利從之養老元年薨石湯文

武朝為伊勢守叙從五位上帝幸伊勢賜石湯封一

十戶元明時進正五位下任民部大輔為征越後夷

將軍事平拜右將軍續日

大伴旅人公卿補任○萬葉集旅或作淡等國音相近右大臣長德孫大

納言安麻呂長子也元明時叙正五位上為左將軍

和銅中隼人蝦夷入朝旅人與右將軍佐伯石湯副

將軍穗積光小野馬養率騎兵守京城門尋進從四位下再為左將軍先是罷左將軍李書不書蓋脫文也靈龜元年進從四位上為中務卿養老二年拜中納言尋進正四位下為山背攝宮太宰府隼人反殺大隅守陽侯麻呂旅人為征隼人持節大將軍與授刀助笠御室民部少輔巨勢真人討平之詔曰蠻夷為害自古有之漢命五將驕胡臣服周勞再駕荒俗來王今西隅賊怙亂逆化屢害良民因遣持節將軍正四位下中納言兼中務卿大伴宿禰旅人速行誅罰覆彼巢穴治兵率眾剪掃兇徒酋帥面縛請命下吏寇黨叩頭爭靡

敦風然將軍暴露原野久延旬月時屬盛熱豈無艱苦特使使者就慰勞焉大將軍已下至抄士賞賜有差頃之召還旅人令副將軍已下留屯五年叙從三位賜帶刀資人四人是歲元明崩旅人監山陵事神龜初叙正三位增封賜物兼知山城國事出為大宰帥續日本紀補任太宰帥據萬葉集天平二年召還拜大納言三年叙從二位尋薨年六十七續日本紀補任萬葉集年據懷風藻旅人有文藻善和歌性愛酒作贊酒歌十餘首聖武帝最重之其喪妻遣式部大輔石上堅魚於太宰府吊賻旅人在府病甚奏請遺言第右兵庫助稻公姪治部少

至胡麻呂帝乃遣二人營視尋得瘳其在京師病革
遣內禮正縣犬養人上侍養之其所眷遇如此

百葉集

子家持

家持天平中叙從五位下為越中守稍遷兵部少輔
山陰道巡察使兵部信部太輔太宰少貳寶龜中補
左中辨歷兼中務大輔式部負外大輔遷衛門督前
後歷因幡薩摩相模上總伊勢五國守進正四位下
十一年拜參議兼右大辨天應元年為東宮大夫進
正四位上補左大辨叙從三位延曆元年坐冰上川
繼事奪官從京外既而復參議東宮大夫兼陸奧按

察使鎮守將軍二年任中納言餘官如故三年為持
節征東將軍四年上言名取以南一十四郡僻在山
野去塞懸遠屬有徵發不及機會由是權置多賀階
上二郡募集百姓充實於國府防禦於東西然徒有
閑設之名未命統領之官眾庶顧望無所繫心諸建
為郡備置官員則民知統攝賊絕窺竊許之是歲薨
未幾宗人左少辨繼人等受皇太子命殺中納言藤
原種繼事覺被捕歎曰家持為首謀追除名籍流子
永主於隱岐後遭赦還

續日

本紀桓武遺詔復家持本位

日本

家持善和歌撰萬葉集二十卷上自雄略下迄

紀畧

廢帝朝所收凡四十餘首蒐羅該博足以觀民風先

是篇詠未有成書後世言扣歌者取為模範焉按萬葉集

撰人諸說紛紜無所適從今考本集且魏拾芥抄所載藤原定家說定家為家持所撰

大野東人紉職大夫景安子也元明帝時叙正七位

上和銅中新羅使來朝東人與從六位下布勢人率

騎兵迎於三碕本書碕一作柯養老中進從五位下陸奧蝦

夷反從式部卿宇合討平之賞功授從四位下藤原

勲四等為陸奧鎮守將軍兼按察使天平中奏言在

鎮兵士宜錄功授官位以勸後人從之尋叙從四位

上續日本紀東人建議築多賀城防遏蝦夷壺石廼奏從

陸奧達出羽柵道經男勝行程迂遠請征男勝蝦夷

以通直路詔遣兵部卿藤原麻呂等擊之麻呂與東

人率諸國兵進破之蝦夷悉降東人之計居多語在

麻呂傳奏請使東人鎮多賀柵兼為大養德守十一

年拜參議太宰大貳藤原廣嗣起兵朝廷以東人為

大將軍持節討之從五位上紀飯麻呂副之發東海

東山山陰山陽南海五道兵一萬七十又召隼人校

位賜服令從軍會遣新羅使舩泊長門敕取其所載

器物以充軍用使人有才者量任用之東人與戰斬

賊將小長谷常人凡河內田道等降登美板櫃京都

三營賊兵一千七百六十七人竝獲器械若干又差
長門豐浦郡小領額田部廣麻呂將精兵先濟板櫃
河遣從五位上佐伯常人從五位下安倍蟲麻呂將
兵四十及隼人鎮板櫃營而自將後至兵繼進賊將
梶田勢麻呂東人勇山伎美麻呂佐伯豐石等皆降
詔曰朕有所思今月之末暫往關東雖非其時事不
得已將軍知之莫有所疑廣嗣逆戰於板櫃河衆潰
斬廣嗣及弟綱乎十三年以功叙從三位帝幸恭仁
宮東人留守平城十四年薨續日本紀
田中多太麻呂寶字中任中衛員外少將兼上總員

外少叙從五位上爲東海道節度副使陸奧守兼鎮
守副將軍尋拜鎮守將軍景雲中伊治城成敕曰見
陸奧國所奏知伊治城成版築之功不滿三旬朕甚
嘉焉夫臨危忘生忠勇乃見衛命奉事功績早成非
但築城制外誠足減戍安邊若不廢進何觀後徒宜
加酬賞式答匪躬其從四位下田中朝臣多太麻呂
校正四位下外從五位下道島宿禰三山首建斯謀
今美其功特賜從五位上外從五位下吉彌侯部眞
麻呂爭先歸順狄徒馴服賜外正五位下軍敘以上
及諸國軍士蝦夷俘囚臨事有効應賜位者鎮守將

軍宜簡定等第奏聞多太麻呂上言兵士之欲機要
是待習戰輕生奮勇爭先如此而可用也而比年諸
國所發戍兵在道逃亡當國運糧鎮所計稻三十六
東徒費官物民庶困弊前守百濟敬福罷他國戍兵
點當國之人請依此例點國中四十人以減戍兵二
十五百人又此地祁寒積雪難消其輸調庸初夏上
道季秋還鄉梯山航海難辛備至妨民產業無過于
此望請調庸收置於國十年一度運輸京庫許之又
上言他國鎮兵見在戍者三十餘人其二百五十人
被符既罷伏請所遺五百餘人留守諸塞被天平寶

據本書稿云
六萬餘東今作
三十六未悉誤

轉

字三年符差浮浪一千人配桃李生柵戶皆是情抱規
避萍漂蓬輸將至城下相繼逃亡當今之計募比國
三丁已上戶二百徒實城郭永為邊防待其安堵稍
省鎮兵太政官議奏曰夫懷土重遷俗人常情今徒
無罪之民配邊城之戍則物情不愜逃亡無已若有
願就二城之沃壤求三農之利益者不論當國他國
任便安置法外給復令人樂遷以為邊守奏可入為
宮內大輔賢龜中歷民部大輔兼美濃守改右大辨
兼出雲守九年卒續日本紀
坂上莉田麻呂河智使主後也祖父右衛士大尉大

國父犬養少以武力稱聖武甚寵昵之至從四位下
左衛士督及帝崩犬養以被殊遇與衛士鴨蟲麻呂
請守山陵孝謙憐其志特許所請下詔廢之授正四
位上賜封百戶寶字初歷播摩大和守八年卒年八
十三荊田麻呂寶字中為授刀少尉惠美仲麻呂反
遣子訓儒麻呂邀奪鈴印荊田麻呂奉詔與將曹壯
鹿島足射殺訓儒麻呂以功授從四位下賜姓大忌
寸補中衛少將兼甲斐守神護中授勳二等賜功田
二十町傳其子寶龜中以告道鏡新計叙正四位下
為陸奧鎮守將軍補中衛中將兼安藝守奏曰檜前

忌寸之祖阿智使主輕島豐明宮馭宇率十七縣人
民歸化詔賜大和高市郡檜前村與居焉他姓者十
而一二請以檜前忌寸任彼郡司許之檜前忌寸祖
阿智使主下文又曰臣等阿智王之後蓋阿智王撰
化後賜姓使主由是觀之檜前氏與坂上氏同祖故
有此數年兼丹波守天應元年兼右衛士督延曆中
坐氷上川繼事奪職數月復右衛士督歷兼伊豫備
前等守坂上氏世以武顯荊田麻呂善騎射宿衛宮
掖歷事數朝帝殊寵遇別賜封五十戶四年兼下總
守叙從三位上表言臣等本是後漢靈帝之曾孫阿
智王之後漢祚禪魏阿智王因神牛教出從帶方得

寶帶瑞其像似宮城建立國邑撫育人庶廼集父兄
告曰久居此地恐有覆滅之禍吾聞東國有聖主何
不歸從乎乃率女弟遷興德及七姓來朝是則譽田
天皇治天下之時也阿智王奏請曰臣舊居在帶方
人民男女皆有才藝近寓百濟高麗之間心懷猶豫
未決去就伏願天恩遣使招之敕遣八腹氏召之舉
邑隨使而來永為公民諸國漢人是其後也臣苅田
麻呂等失先祖之王族冒下人之早姓望請改忌寸
賜宿禰天恩矜察儻垂聖聽所謂寒灰更煖枯樹復
榮也於是坂上內藏平田大藏文調文部谷民佐太

山口等十姓一十六人皆賜宿禰是歲為左京大夫

餘官如故五年薨年五十九

續日本紀家譜按系圖載七男右津麻呂廣人

田村麻呂鷹主真弓鷹養雄

子田村麻呂自有傳

道島島足陸奧壯鹿郡人體貌雄壯驍勇邁人善騎

射本姓丸子勝寶五年改賜壯鹿連寶字中為授刀

將曹奉詔與坂上苅田麻呂射殺惠美訓儒麻呂以

功擢從四位下賜宿禰補授刀少將兼相模守神護

中授勳二等陸近衛員外中將賜姓道島宿禰至正

四位上景雲初為陸奧大國造寶龜中兼下總守又

為內廐頭兼播磨守延曆二年卒

續日本紀

大伴駿河麻呂

并葉集曰大伴駿河麻呂高市大卿之孫系圖一本曰參議道足之子續

日本紀補任不載

父祖今無所考天平中叙從五位下為越前守寶

字初坐黨播奈良麻呂被謫

本書不載

昭還授從五

位上寶龜中累歷出雲肥後守叙從四位下為陸奧

按察使以老固辭詔曰聞汝駿河麻呂宿禰衰老不

能就職然陸奧之任固擇其人唯汝稱朕心故授見

任即日授正四位下既而兼陸奧鎮守將軍蝦夷寇

邊駿河麻呂奏狀請處分勅曰將軍前日奏征夷便

宜以為一者不可伐一者必當伐朕慮勞民每事合

弘今得將軍奏曰蠢彼蝦狄不悛野心屢侵邊境敢

拒王命懲惡除害事不獲已宜早發軍應機討滅時

海道蝦夷燒斷橋道攻桃李城破其西郭守兵不能

久國司遣兵援之馳驛以聞

本書不載結句蓋脫文也檢下文百濟俊哲奏

潰圍而出疑此時

之事今無所證迺勅坂東八國曰陸奧如有告急

隨國大小差發援兵務赴機要駿河麻呂又奏臣等

計賊所為狗盜鼠竊雖時有侵掠而不致大害今屬

茂草攻之臣恐後悔無及帝以其輕論軍興首尾異

計譴責之駿河麻呂恐進兵破賊追至遠山村其地

嶮阻夷賊所憑歷代諸將未嘗究討至是覆其巢穴

降者相踵嘉功慰勞賜御服綵帛先是鎮守府無漏

刻駿河麻呂以驛奏記時刻奏請置之許之六年就
拜參議遣使宣詔曰嚮者夷倭構逆侵桃李生成鎮守
將軍大伴宿禰駿河麻呂奉兼朝奉不顧身命討治
反賊懷柔歸服勤勞之重實合嘉尚授正四位上賜
勳三等從軍部將以下一十七百九十餘人量等授
位七年卒贈從三位賜絕三十匹布壹百端續日本紀
百濟俊哲寶龜中蝦夷作亂俊哲有功按俊哲當領軍職而本書不載官今無所考賜勳六等尋賜勳五等累進從五位上為
陸奧鎮守副將軍奏曰臣在賊圍中兵疲矢盡祈桃李
生白河等十一神乃得潰圍而出非神所佑何免履

淡請以十一社准幣社許之天應元年賞征夷之勞
賜正五位上勳四等延曆中坐事左降日向權外居
之四歲赦還京師帝欲征蝦夷勅與坂上田村麻呂
至東海道簡閱軍士器械為征夷副使下野守兼陸
奧鎮守將軍續日本紀尋授勳三等至從四位下續日本紀
和元十四年卒紀廣純大納言麻呂孫左衛士督守美子也寶字中
使北陸道問民瘼尋叙從五位下為太宰少貳歷薩
摩筑後守寶龜中遷美濃外進從五位上改河內守
新羅使金三玄等來大宰府廣純奉勅檢問之陸奧

蝦夷寇遼廣純兼鎮守副將軍討之既而遷陸奧从
進正五位下授勳五等是時蝦夷未平會按察使大
伴駿河麻呂卒以廣純為陸奧守未幾兼按察使鎮
守將軍尋授從四位下勳四等先是廣純上言出羽
志波村賊蟻聚肆毒出羽軍士戰屢失利因以近江
从佐伯久良麻呂為鎮守權副將軍鎮守出羽十一
年就拜廣純參議建言欲取水路擊賊比年寒甚河
水凍合不得通船賊得其便屢來侵擾請先差兵三
千塞入寇之道待三四月雪消雨水汎溢進入賊地
城覺鼈城守之救曰山賊居近伺隙來侵宜造覺鼈

城以遏膽澤之賊勅符未到又奏言賊入長岡官軍
防戰互有死傷如不早討侵掠不已請三月中旬發
兵進討築城置戍救曰狼子野心不顧恩義敢恃險
阻屢犯邊境兵雖凶器事不獲已既發三十兵以刈
遺孽以滅餘燼凡軍機動靜以便宜從事覺鼈柵成
廣純自率倂軍入伊治城牡鹿郡大領道島大楢上
治郡大領伊治然陽媚事之廣純皆麻呂等從焉皆麻呂亦夷倂之種
初有憾于廣純信用大楢每凌侮皆麻呂以夷倂遇
焉皆麻呂深銜之至是煽動倂軍自為內應先殺大
楢遂圍廣純館攻殺之从大伴真綱潰圍一角而出

得達多賀城城中兵器儲峙不可勝計百姓競欲入保而真綱及椽石川淨足潛由後門遁百姓無所恃一時散走數日賊至毀府庫恣掠資財其所遺者放

火蕩盡

續日本紀

藤原繼繩右大臣豐成第二子也叙從五位下歷信濃越前守神護元年累進從四位下二年補右大辨拜參議景雲中為外衛大將寶龜中叙從三位歷大藏宮內卿遷兵部卿兼左兵衛督十一年拜中納言會陸奧夷俘賊按察使紀廣純繼繩為征東大使率副使大伴益立紀古优美等討之以從五位上安倍

家麻呂為出羽鎮狄將軍別道討之五月勅坂東諸國及能登越中越後作糶三萬斛以備征東軍糧又勅坂東諸國曰狂賊亂常優擾邊境烽燧多虞乍候失守今遣征東及鎮狄將軍分道征討期日會眾事須文武協謀將帥竭力川夷姦黨誅戮首惡宜廣募戰士早致軍所若有欲乘此際會効力立功者則錄名奏上平定之後擢以不次七月繼繩請甲一十領襖四十領命尾張參河等五國輸甲東海東山諸國製襖勅曰今為討逆虜調發坂東軍士限九月五日並赴集陸奧國多賀城其所須軍糧宜申官送兵集

有期糧餽難繼仍量路便近割下總糴六十斛常陸
一萬斛限八月二十日以前運輸軍所既而繼繩等
領軍不進事聞遣藤原小黑麻呂持節督將士以進
十月繼繩等又奏今年不可出軍之狀勅曰省今月
二十二日奏知使等遲滯既失機會將軍出帥之經
日月所集步騎數萬餘人且嚮奏入賊地之期者數
焉計既深入平殄狂賊而又奏今年不可征討夏稱
草茂冬言禊之縱橫巧言遂成替留募兵糧聚將軍
所為而免兵之所不加辦備反言城中之糧猶未完
足然則何月何日誅賊復城意將軍為賊被欺所以

致此逗留今時未建子猶可進兵而乖敕旨不果進
討人馬悉疲何以對敵良將之策豈如此乎宜教諭
隊伍銳意征討若今月不入賊地宜居多賀玉作等
城嚴加防禦無習戰鬥天應元年兼中務卿遷左京
大夫叙正三位延曆二年拜大納言尋兼太宰帥皇
太子傳進從二位兼民部卿繼繩以累世門族甚為
帝所親重六年車駕幸高橋津還過其第賜棗正四
位上百濟明信從三位又獵交野以其別業為行宮
續日爾後屢幸焉類聚國史紀畧及皇太子冠勅繼繩及紀
本紀
船守加冠八年兼中衛大將九年拜右大臣續日本紀十

三年車駕巡覽新京還幸其高椅第宴飲極歡類聚國史
紀尋叙正二位十五年薨年六十九稱桃園右大臣
詔遣參議藤原繼兄等監護葬事賜賻中納言壹志
濃王就第宣詔贈從一位繼繩歷文武之清班居端
右之重任謙恭自守得免世議補掌奉敕刪定文武
至聖武國史類聚國史子乙敷延曆中至從三位中納言
領中衛大將其母百濟氏掌為桓武尚侍以故乙敷
為帝被罷親補延幸京師再臨其第宴樂終日類聚國史
平城在儲宮乙敷侍宴不敬帝銜之大同二年遂坐
伊豫親王事解官就第明年以憂薨年四十八乙敷

為人懇誠奢侈不度肆情縱欲多置別業每遊必以

婦女從補子保則最顯自有傳

大伴益立初授從六位上寶字中鎮守將軍惠美朝

獵造桃生城益立為軍監有功進從五位下本書曰嘉再征

之勞進位而事實無所見蓋脫文也軍曹韓袁哲以先登功進三階既

而益立為陸奧鎮守副將軍兼陸奧人景雲中廢功

進正五位下歷兵部式部大輔寶龜中為肥後守改

太宰少貳六年為遣唐副使明年八月浮海波惡不

能進還至博多大使佐伯今毛人還京師益立留府

待期時人善之然遂不行頃之歷權左中辨左兵衛

督十一年為征東副使兼陸奧守臨發叙從四位下
敕曰得將軍等五月八日奏云且備兵糧且伺機要
方以今月下旬進入國府然後候機乘變襲行天誅
者既經二月計日准程佇待獻俘夫出軍討賊國之
大事進退動靜陸續奏聞何經數旬絕無消息宜告
委曲如書不盡意差軍監已下堪辨者一人馳驛奏
上或譖益立曰益立至軍數懋征期逗遛不進空費
軍糧久彌日月因遣按察使藤原小黑麻呂征之明
年賊平詔讓益立畏懦削其本意位延曆中為兵部大
輔續日本紀子野繼仕仁明為越後大掾兼和中上書詎

父寬詔復本位

續日本紀

藤原小黑麻呂中衛大將房前孫從五位下烏養子
也補寶字末授從五位下為伊勢守景雲中歷式部
少輔安藝守寶龜中除中衛少將改右衛士督歷兼
美濃上野出雲常陸守累進從四位上十年拜參議
十一年陸奧蝦夷反授正四位下為持節征東大使
奏曰蠢茲蝦虜寔繁有徒或巧言連謀或窺隙肆毒
是以遣二千兵經畧鷲座楢石澤大管屋柳澤
等五道利木塞徑浚溝設險以斷逆賊首鼠之要害
敕曰如聞出羽大室塞等亦是賊之要害也宜命將

軍及國司扼嶮置戍防禦衝突天應元年為陸奧按察使加兵部卿桓武即位小黑麻呂上狀言賊情救曰得奏狀具知消息彼夷俘之為牲蜂屯蟻聚攻則犇逃山藪緩則侵掠城塞而伊佐西古諸統八十島乙代等賊中之首一以當十窟迹山野窺機伺隙畏我軍威未敢縱毒今將軍等未斬一級先解軍士事已行訖不可復追但見先後奏狀賊眾四十餘人所斬首級僅七十餘則遺眾猶多何遽請凱旋縱有舊例朕不取焉宜差副使內藏全成多大養等一人乘驛入京先奏軍中委曲其餘待後處分是時征東副

使大伴益立以逗遛獲罪乃命小黑麻呂進軍擊蝦夷至則悉復諸寨就授民部卿賊平歸京師以功叙正三位延曆初再兼按察使未幾改兼左京大夫任中納言尋轉大納言續日本紀十三年薨年六十二贈從二位補任子葛野麻呂自有傳道雄至從四位上參議補任系圖

天保十三壬寅年九月十六日於阿蘇國南鄉
馬見原與鏡山山家謹書寫之 中村萬喜直衛

大日本史卷一百二十二

列傳第四十九

權中納言從三位源光圀修
男權中納言從三位綱條校

紀古佐美

大伴弟麻呂

坂上田村麻呂 子津野

巨勢野足

紀古佐美大納言麻呂孫正六位上宿奈麻呂子也
公卿 補仕 寶字末叙從五位下爲丹後守寶龜中歷兵部

式部少輔伊勢从右少辨進從五位上從兄廣純爲
蝦夷所戕爲征東副使從大使藤原繼繩討焉天應
元年爲陸奥守叙從四位下延曆初遷左兵衛督兼
但馬守歷左中辨式部大輔中衛中將東宮大夫拜
參議歷左右大辨累進正四位下七年爲征東大將
軍補任作征兼大和守征陸奥蝦夷及辭見敕上殿
授節刀賜書曰夫擇日拜將良由綸言推轂分闔專
任將軍如聞兼前別將等不慎軍令匿闕猶多推其
所由弊在輕法其副將軍有犯死罪者禁身奏上軍
監以下依法斬決坂東安危在此一舉將軍勉旃因

賜御被二領絲帛三十匹綿三百屯令東海東山諸
國步騎五萬餘會多賀城分道入賊地八年古佐美
至衣川按軍不進上書告狀五月敕曰奏知三月省
二十八日官軍渡河置營三處勢如鼎足自爾以還
經三十餘日未審何故逗遛費日頓而不進未見其
利夫兵貴拙速未聞巧遲又六七月計應極熱如今
不入恐失其時已失其時悔何所及將軍應機進退
更無間然但久留一處朕之所怪宜具其所由及海
軍消息附驛奏來時副使民部少輔佐伯葛城率軍
進討中途而卒詔贈正五位下古佐美又奏曰副將

軍入間廣成左中軍別將池田真枚與前軍別將安
倍猿島墨繩等議三軍齊進渡河討賊約期已畢簡
中後軍各二十人濟河而進賊帥夷阿氏流率三百
許人逆戰官軍勢銳賊徒引遁官軍且戰且燒至巢
伏村將與前軍合而前軍為賊所拒不得進會賊八
百許人來戰官軍少卻別有四百許人出自東山絕
官軍後前後夾擊官軍敗走別將將犬部善理進士高
田道成會津壯麻呂安宿戶告足大伴五百繼等戰
死凡燒賊居村十四戶八百枚器械雜物如別錄拔
兵戰死者二十五人中矢二百四十五人溺死一千

三十六人浮淡逃歸一千二百五十七人別將出雲
諸山道島御楯等引餘衆還六月敕曰省比來奏云
膽澤之賊總集河東先征此地後謀深入然則軍監
已上率兵張其形勢嚴其威容前後相繼可以薄伐
而兵寡將罕因致敗績是則副將等計策之所失也
至于善理等戰亡及士衆溺死者惻怛之情有切于
懷古佐美又奏曰膽澤之地賊奴與區方今大軍征
討剪除村邑而餘黨伏竄殺人物又于波和拔僻在深
奧臣等欲進致討運糧有艱從玉造塞至衣川營行
程四日輜重受納二日從衣川至子波地行程六日

于波此今標葉郡
標葉和拔此今安
積那芳賀

輜重受納二日然則從玉造塞至子波地往還二十四日其遇賊阻雨不入程限水陸兩道用輜重一萬二千四百四十人運糶六千二百十五斛征軍二萬七千四百七十人一日之食五百四十九斛以此計之一度所運僅支十一日臣等商量指子波地支度突闕若分征兵增輜重則軍士寡少不足征討加以軍興以來經涉春夏軍旅輜重皆悉疲弊進而右危持之無利久屯賊地運糧百里之外非良策也雖蠢爾小寇且連天誅而水陸之田不得耕種既失農時不滅何待今日之計莫若解軍節糧擬支非常軍士

所食日二千斛按上文云一日之食五百四十九斛而此云軍士所食日二千斛蓋舉本軍成數乎若取進止恐多糜費故臣等相議今月十日以前既牒知諸軍救曰省前後奏云賊集河東抗拒官軍先征此地後圖深入者今以不利深入而欲解軍則具奏事狀待報而行之未晚也不果進討一且罷兵為謀如此其理安在灼知將軍等憚賊之所為也而巧飾浮詞規避罪過不忠之甚莫大於斯廣成墨繩久在賊地素閑戰陳故委以副將之任佇其力戰之効而安居營中坐視成敗差遣裨將反致敗績事君之道豈可如此夫師出無功良將所恥今喪

軍費糧爲國家大害聞外之寄誰任其咎七月古佐美等上書僞告大捷勅曰得今日奏爾所謂膽澤者水陸萬頃蝦虜所聚大兵一臨忽作荒墟餘燼假息危如朝露至如軍船解纜舳艫百里天兵所加前無強敵海浦窟宅無彼人烟山谷崇穴唯見鬼火不勝慶快飛驒上奏而檢先後奏狀斬賊未滿百級死傷殆三十以是言之何足慶快夫大軍將還此賊攻後非唯一度而云大兵一臨忽作荒墟量度事勢有似虛飾真枚墨繩等不親督兵遣裨將於河東軍敗而逃溺死一千餘人而云一時凌渡且戰且焚搜

賊崇穴還保本營是溺死之軍舍而不論唯征東副使多治比濱成等討賊畧地比他差勝今云天兵所加前無強敵山谷崇穴唯見鬼火浮詞夸言良爲過實凡獻凱表者應在乎賊立功之後今未究其窟穴殲其種類而馳驛稱慶將軍獨無愧乎九月古佐美等歸京師上節刀命大納言藤原繼繩中納言藤原小黑麻呂等勘問於太政官曹司古佐美廣成真枚墨繩等皆兼伏救曰古佐美不究賊地敗軍費糧當據法窮治顧嘗有勤勞故一切不問真枚墨繩等愚頑畏懦進退失度每後軍期檢法墨繩當斬真枚當

解官收冠而墨繩久歷違戾電勉奉事故免刑收官
冠真枚在日上港救援溺兵故解官不收冠餘日有
小功者量加賞賜小罪者置而不問善理膽澤之仗
官軍失利奮而戰死贈外從五位下頃之古佐美進
正四位上續日本紀兼但馬守遷左衛門督十三年拜中
納言超授正三位尋兼式部卿十五年轉大納言十
六年兼皇太子傳未幾薨年六十五遣從四位下百
濟莫孫等就第宣詔贈從二位子廣濱未茂廣濱參
議正四位下補任未成幼而聰悟博覽文籍延曆中調
式部丞時議許其廉舉出為伊豫介大同弘仁間歷

出雲常陸大和越前守所在以幹濟聞至正四位下
天長二年卒年四十五贈正四位上類聚國史
大伴第麻呂吹負曾孫父古慈斐少有才幹略涉畧
記起家為大學大允藤原不比等以女妻之勝寶中
累遷至從四位上衛門督倣出為出雲守以見疎斥
意常鬱鬱八年惠美仲麻呂誣古慈斐及淡海三舩
誹謗朝政無人臣禮禁於衛士府左遷土左守寶字
初以黨橘奈良麻呂再得罪寶龜初召還復本位為
大和守叙正四位下六年優老授從三位八年薨年
八十三第麻呂寶龜末為衛門佐天應元年兼中宮

亮累遷左衛士佐延曆初任常陸公為征東副將軍
入補右中辨轉左歷熙皇后宮亮河內守十年至從
四位下為征夷大使續日赴陸奧十三年賜節刀第
麻呂遣副使坂上田村麻呂等討蝦夷大敗之斬首
四百五十七級捕虜一百五十人獲馬八十五匹明
年振旅而歸屢授從三位勳二等類聚國史尋為皇
太子傳以老乞骸骨遣中納言藤原內麻呂就第許
之大同四年薨年七十九紀子勝雄天長中為陸奧
守兼按察使至從四位下右兵衛督兼讚岐守資性
寬簡不訐隱密家世清廉不近貨利出總戎事入典

禁兵時論稱為將帥之器八年卒年五十六

類聚國史紀畧

坂上田村麻呂

村一作邑

左京大夫苅田麻呂子也身長

五尺八寸胸厚一尺二寸身重二百一斤輕之至六

十四斤眼如蒼隼鬚髯如金線有膂力

水鑑

延曆中叙

從五位下為近衛將監兼內匠助進近衛少將著聞

嵯峨天皇時有人欲伺隙賊天皇憚田村麻呂為近

衛將監常在左右而待其遷除田村麻呂尋任少將

桓武朝歷少將中將平城朝仕大將嵯峨弘仁二年

卒著聞集所載事兼越後守帝將征蝦夷與正五位

上百濟俊哲赴東海道關士馬檢戎器俄為征東副

使續日從大將軍大伴第麻呂討蝦夷殺畧甚多以

本紀

功進從四位下兼木工頭任陸奧出羽按察使兼陸
奧守鎮守將軍補任紀畧尋拜征夷大將軍職原抄作征東將軍今從
紀畧奉敕檢校諸國夷俘二十年陸奧蝦夷使反賜
節刀討之及凱旋授從三位紀畧○元亨釋書僧延
討陸奧逆賊高丸既陷駿河次清見關開田村麻呂奉敕
出師退保陸奧官軍與賊交鋒矢盡有小比丘小男
子拾矢與田村麻呂親射高丸斃於神樂岡傳首京
師東鑑曰奧州田谷窟者賊首惡路王赤頭等構若
之所也田村麻呂討賊之日建精舍於窟前模鞍馬
寺安多聞之像蹄西光寺寄附水田若干高丸惡路
王二事實錄所遷近衛中將補任一二十一年築陸
不載附以備攷

奧膽澤城鎮壓蝦夷酋大基公阿氏利為盤貝公
毋禮率部落五百餘人降從浚將二酋歸京請放還

本部以招黨類公卿議曰野性獸心叛服無定今賴
朝威獲此梟帥若依奏請是所謂養虎遺患也乃斬
於河內植山二十二年又赴陸奧築志波城及陞辭
賜彩帛五十匹綿三百疋紀畧還為刑部卿補任二十三
年再為征夷大將軍補任要紀畧明年任參議大同初任
中納言兼中衛大將餘官如故奏曰陸奧出羽郡司
之仕職員有限而邊要之事頗異中國望請擬仕幹
濟勇決之人以為防守警衛之備於是敕聽正員之
外擬仕郡司軍役三代二年改中衛府為右近衛府
田村麻呂居府如舊兼侍從兵部卿進正三位補尚

侍藥子之變下救回三關田村麻呂居兵府威望素
顯帝恐其為上皇用遽進大紉言以固其心紀畧補
任水鏡
及上皇將東使率輕銳邀之美濃道時文室綿麻呂
有罪繫于左衛士府田村麻呂知其才器可用奏釋
之與俱行事尋平類聚國
史紀畧弘仁二年薨於粟田別業
年五十四水鏡賜絕布米及役夫二百人帝不視事
一日遣大舍人頭藤原纒麻呂治部少輔秋篠全繼
就第傳宣贈從二位賜山城守治郡栗栖村水陸田
山林三町為墓地使其屍立棺中向平安城而葬之
並甲冑劔牟弓箭楯楛瘞之官使監護其事紀畧田
村傳記

是後國家將有事則其墓鳴動云大將每出征先詣
而禱焉田邑
傳記其所佩劔藏之御府曰坂上寶劔古事
談著
開集帝親贊其像深褒惜焉系初田村麻呂出獵遇
僧延鎮嘉其清苦為創清水寺於愛宕郡弘仁初詣
為官寺水鏡藤原明
願文今昔物語田邑傳記子廣野淨野廣
野少以武勇聞執直不撓頗有節操弘仁中歷右近
衛少將兼伊勢守出為陸奥守秩滿任右兵衛督天
長五年卒年四十二類聚國
史紀畧
淨野少兼家風武藝絕倫平城御武德殿簡天下騎
射士二十人淨野以東宮少進與其撰又與步射士

佐味香飾麻呂飯高常比麻呂角射淨野為最弘仁
中為陸奧鎮守將軍時年二十七尋兼陸奧从為右
近衛少將天長初敗薩摩守倭遷土佐權守入叙正
五位下為陸奧出羽按察使實錄兼和中奏言得鎮
守將軍匝瑳未守牒俾自去年春至今年春百姓妖
言騷擾不止與邑之民去居遁逃須差添戍兵招聚
赴農又粟原賀美兩郡百姓逃出者多官不得拘留
又粟原桃生以北倭囚控弦巨多似從皇化而反覆
不定盛夏豐草馬肥虜騎之時也儻有非常難可支
禦臣以為防禍鎮擾宜慎未然伏望差發援兵一千

人四五月間結番上下覽侯寇至其糧料者依例支
給所在教上奏待報恐失事機仍且發且奏教許之
續日本後紀在仕數年夷民和親關塞無事入為右馬頭
遷右兵衛督累兼因幡相模守至正四位下嘉祥三
年卒年六十二實錄子當宗系圖兼和中為右近衛將
監時伊勢盜聚名張郡山中私鑄錢當宗率近衛夷
倭等索捕獲之併進鑄具及錢至從五位下為左兵
衛權佐除鎮守將軍兼陸奧从續日本後紀仁壽齋衛間
為掃部頭遷左兵衛權佐實錄
巨勢野足參議及麻呂之孫式部大輔苗麻呂之子

也補延曆中叙從五位下為陸奧鎮守副將軍遷征
夷副使從大伴第麻呂征蝦夷續日本紀兼陸奧人以功
進正五位下補尋兼下野守入為兵部大輔遷左衛
門督大同中任左兵衛督兼侍從為左近衛中將弘
仁初補藏人頭兼中務大輔拜參議兼備中守累叙
從三位賜勳三等兼右近衛大將備前守三年拜中
納言六年兼陸奧出羽按察使補奏狀曰軍國之用
莫先於馬而權貴之使豪富之民互相往來搜求無
絕遂乃託煩吏民侵犯夷獠國內不肅職此之由非
唯馬直踊貴兼彼兵馬難得延曆六年下騰教符特立

科條而年久世移狎習不遵望請新下嚴制更增禁
斷敕從之出羽國亦准此三代格明年叙正三位罷大
將未幾薨年六十八補仕

天保十三壬寅年九月念三日於管尾高千穂境
鏡山中護書寫之
中村萬喜直道

大日本史卷一百二十三

列傳第五十

權中納言從三位源光圀修
男權中納言從三位綱條校

吉備真備

管原清公

吉備真備續日本紀景雲元年寶龜元年延曆十年
真備作真吉備類聚國史奉獻部類聚三
代格弘仁十一年官符公卿補本姓下道朝臣其先
仕皆作真吉備今無所考定
出自吉備津彥命世居吉備九世祖御友別補其長
仕
子稻速別食川鳥縣子孫以下道臣為姓天武時賜

朝臣

日本紀
氏錄補仕姓

父國勝右衛士少尉真備叙從八位

下靈龜二年爲遣唐留學生時年二十四入唐研覃
經史該涉衆藝天平七年歸獻唐禮一百三十卷大
衍曆經一卷大衍曆立成十二卷測影鐵尺一枚銅
律管一部樂書要錄十卷絃纏漆角弓一張馬上飲
水漆角弓一張露面漆四節角弓一張射甲箭二十
隻平射箭十隻授正六位下任大學助尋爲中宮亮
累進從五位上改右衛士督孝謙在東宮爲學士授
禮記漢書恩寵甚渥遷爲大夫仍兼學士頃之改賜
今姓遷右京大夫勝寶初進從四位上以事左降筑

前守倭遷肥前守四年爲入唐副使五年入唐

續日本紀

唐主授銀青光祿大夫

日本高僧
傳要文抄

及歸遭風船散真

備漂著益久島六年至紀伊年漏寄入京師進正四
位下陞太宰大貳建議築筑前怡土城敕專當其事
寶字初以唐亂敕帥船王及真備爲備真備議曰且
耕且戰古人所稱請五十日教習十日從使朝議從
之又遣授刀舍人春日部三關中衛舍人土師關成
等就學八陳九地結營法尋爲西海道節度使八年
召爲造東大寺長官以病不視事及藤原仲麻呂反
召入參畫軍事叙從三位真備度賊必走遣兵遮道

指麾部分甚得其宜旬日事平神護元年授勳二等
拜參議兼中衛大將叙正三位明年為中納言做轉
大納言以青宮舊恩擢拜右大臣授從二位景雲初
賜近江穀二十斛真備獻對馬島墾田三町陸田五
町雜穀二萬束以為島儲穀賜太宰府綿二萬屯以
買新羅文關物帝幸其第進正二位尋賜稻十萬束
四年帝不豫敕真備知中衛左右衛士府續日本紀帝崩
皇嗣未定真備等欲立文室淨三固辭又欲立其弟
大市左大臣藤原永手內大臣藤原良繼與右大臣
藤原百川定策立光仁帝真備嘆曰不圖享壽之弊

終至此極日本紀乃上啓曰側聞力不任而強者此
廢心不逮而極者必悞真備自觀信足為驗去寶字
八年真備年滿七十正月將進致仕表適有官符補
造東大寺長官因此入京以病歸家忽有兵勳召參
軍務甄錄微勞累登貴職不聽辭讓已過數年即今
老病纏身療治難損天官劇務不可暫曠何可抱疾
殘體久辱端機兼帶數職關佐萬機自顧微躬醜顏
已甚慚天愧地無處容身伏乞致事以避賢路上戴
聖朝養老之德下遂庸愚知足之心詔曰昨省來表
即知告歸聖忌未周懸車何早悲驚交結卒無答言

通夜思勞坐而達旦不依所請似逆謙光欲遂來情
彌思賢佐宜解中衛猶帶大臣坐整之間勿空朝右
累表苦請久而得允寶龜六年堯年八十三遣使吊
賻本朝學生播名於唐者唯真備阿倍仲麻呂二人
而已真備為大納言炭樹二柱於中士生門西其一
題曰允被官司抑屈者宜至此下申訴其一題曰百
姓有冤枉者宜至此下申訴並令彈正臺受其訴狀
初大學釋奠其儀未備真備督典籍修之器物始備
禮容可觀大藏省雙倉火出私財營之又刪正律令
二十四條延曆中詔用之

續日

本紀所著私教類聚三十

八篇

抄拾芥

子泉為左近衛將監景雲寶龜間歷無大

學員外助左衛士督為大學頭延曆初遷伊豫守與
同僚不協頻被告訴遣使勘問不服置辭不敬敕曰
伊豫國守泉政迹無聞犯狀有著誓之國典容真恒
科而又故右大臣往學盈歸播風弘道遂登端揆式
翼皇猷然則伊父美志猶不可忘其子慙尤何無矜
恕宜宥泉辜今思後善但解見任以懲前惡左降佐
渡守

續日

本紀平城即位召還大同中歷南海道觀察使

兼右京大夫准參議左右大辨刑部卿校正四位下
弘仁元年任參議歷兼伊勢武藏守左衛門督五年

薨年七十二補仕

管原清公遠江人子也古人儒行高世耿介自守家無餘財妻孥寒苦清公年少畧涉經史延曆中

詔陪東宮弱冠奉試補文章生學業優長舉秀才續日

本後為美濃少掾補仕對策登科除大學少允尋為遣

唐判官兼近江權掾至唐與大使俱見唐主及歸叙

從五位下轉大學助大同初遷尾張人不用刑罰效

劉寬文治弘仁初秩滿入京補左京亮累歷大學主

殿頭左右少辨遷式部少輔兼阿波守九年詔天下

儀式男女衣服皆依唐法五位已上位記改從漢樣

文當作之
後漢劉寬
治民以蒲鞭
示辱

諸宮殿院堂門閣皆著新榜又肆万官舞蹈清公並

得開說兼文章博士侍讀文選兼參集撰之事轉式

部大輔任左中辨有不適意求遷右京大夫帝從容

問京職大夫官品對曰正五位官即日改為從四位

官數年除彈正大弼天長中出為播磨權守未幾公

卿議奏清公國之元老不合遠離召入再兼文章博

士彼遷彈正大弼兼信濃守轉左京大夫博士如故

續日本兼和初兼攝津權補仕改兼但馬權守侍讀

後漢書六年叙從三位老病羸弱行步甚艱敕聽乘

牛馬至南大庭梨樹下其後稱病漸絕朝參性仁而

愛物不好殺伐造像寫經率以為勤恒服藥餌容顏

不衰九年薨年七十三續日本後紀初清公與撰凌雲文

華秀麗二集有集六卷子善主是善善主少聰慧有

口辨美容儀年二十三奉文章生試及第兼和初拜

彈正少忠為遣唐使判官兼播磨權大掾復命之日

以勞叙從五位下尋歷兵部少輔伊勢越前等八為

勘解由次官仁壽二年卒時年五十續日本後紀是

善幼而聰穎傳父祖業弘仁末侍殿上時年十一尊

兼和二年補文章得業生叙從六位下六年對策

判置中上等進三階明年為大學少允轉助尋任大

內記授從五位上遷文章博士兼東宮學士續日本後紀補

任文德即位授正五位下兼加賀權守仁壽三年為

大學頭奏請文章生未出身者及第之後不經勘籍

預考例許之齋衡中加從四位下為左京大夫天安

中無美作伊豫等權守貞觀二年授從四位上五年

為彈正大弼遷刑部卿十二年兼式部大輔伊豫權

守十四年拜參議餘官如故明年進正四位下既而

兼勘解由長官近江守元慶三年叙從三位明年薨

時年六十九文德實錄三與撰文德實錄又著東宮

切韻二十卷銀榜翰律十卷集韻律詩十卷會分類

集七十卷有集十卷三代實錄子道真自有傳

天保十三年壬寅年九月念五於日肥之境
鏡山中謄書寫之
中村萬喜直道

大日本史卷一百二十三終

大日本史卷一百二十四

列傳第五十一

權中納言從三位源光圀修

胃權中納言從三位綱條校

藤原冬嗣 子長良 第愛發 良相 良仁

藤原冬嗣右大臣內麻呂第二子也器局溫裕識量

弘雅才兼文武寬容接物延曆末歷左右衛士尉大

同中以從五位下仕春宮亮兼侍從進從四位下中

務大輔弘仁初始置藏人頭冬嗣與巨勢野足同為

頭歷兼春宮大夫式部大輔進從四位上拜參議遷

兼左衛門督復為春宮大夫歲餘遭父喪去職頃之
起復本官按公卿補任傍註引日本後紀曰不再任
參議然後紀缺今不可考且是歲進階
兼大將若無本官則不可兼官補叙正四位下兼左
近衛大將任補帝嘗幸其第飲讌賦詩驩甚進冬嗣從
三位授妻藤原美都子從五位下類聚國史尋兼近
日本紀畧
江守任權中納言兼陸奧出羽按察使轉大納言十
二年拜右大臣仍兼大將累進正二位天長初上意
見三條一曰擇良吏臣聞登賢委仕為化之大方審
官授才經國之要務今諸國牧宰或欲崇修治化樹
之風聲則拘於法律不得馳騫郡國彌瘁職此之由

伏望妙簡清公美才以任諸國守从其新除守从則
特賜引見勸諭治方因加賞賜既而政績有著加增
寵辭公卿有關隨即擢用又反經制宜勤不為已者
將從寬恕無拘文法二曰遣巡察使古者命遣八使
巡行風俗考牧宰之治否問人民之疾苦所以宣風
展義舉善彈違望景使者考其治否三曰順時令人
主發號施令必奉天時十二月得其時則陰陽和而
終始成也伏望政化所施不違時令則風雨應候災
害不生帝喜納焉三代格進左大臣三年薨時年五十
二贈正一位稱閑院大臣紀畧補任冬嗣置施藥院收養

親族貧乏者又置勸學院教授子弟折封戶一千戶
及買田給之薨後民欠輸納院稟不繼兼和子良
房與族人緒嗣等上書訴之詔依所請續日本初冬
嗣奉勅監修國史未成而薨文德即位以外祖父追
贈太政大臣夫人美都子正一位詔曰貴德重親前
王之令圖悼性飾終有國之通典朕外祖父左大臣
正一位藤原朝臣風標秀上器宇凝深德為時宗位
居朝棟至忠報國世異名新遺愛在人身徂德盛外
祖母尚侍從三位藤原氏自家利國以孝率忠墳規
緝於米嶺母則賢於大妣春花早落翫流芳而有餘

曾祖

石火不留繼殘焰而仍照朕寓形若壤沃思鼎湖至
哀之餘懷夫親懿况國憲有恒崇班攸歸宜加麗章
式光拱木文德實錄子長良良房良相良門良仁良世良
房自有傳良門內舍人從四位上以醍醐外祖父追
贈太政大臣正一位畧紀尊卑分脈子利基高藤利基元慶
中左馬頭三代實錄利基子兼輔延長中至從三位權中
納言兼平三年薨稱堤中納言補任尊卑分脈高藤寬平昌
泰間累歷顯要至正三位內大臣薨年六十三稱勸
修寺內大臣又稱小一條以醍醐外祖追贈太政大
臣正一位補任畧紀子定國定方定國醍醐時累遷中

納言叙從三位兼右近衛大將至大納言延喜六年
薨攝泉大將定方延長中至右大臣從二位兼平二
年薨贈從一位世稱三條右大臣補任子朝忠朝成
朝忠從三位權中納言朝成體貌醜肥飲啖兼人常
憂舉止不便就醫求療醫曰無如節食啖淡朝成然
之使醫視其所食頻進水飲七八盃及啖魚鮓十數
枚醫曰如此則非汝所能也今昔物語嘗從兄朝忠
入朝村上帝見其狀貌心鄙之問曰彼為誰朝忠曰
臣弟朝成也問何所能對曰性好學問善吹笙因授
笙試之曲調精妙帝以為能自是有恩寵續古天祿

初累官至中納言朝成少有才望與藤原伊尹爭進
取不相善及大納言關朝成意欲任之時伊尹為攝
政朝成自詣其家懇請拜擢伊尹素憾朝成不時出
面久而出曰子始與我同班每欲超我而進多方沮
我今日之用否在我朝成大愧輒然歸家憂鬱成疾
不數年而薨古事談○大鏡曰藏人頭關時藤原伊
懋伊尹伊許之既而負約朝成亦欲為之乃以其意
後因事辱其家僅伊尹怒朝成自往謝之由是存隙
任一代要記伊尹朝成同日補藏人頭其爭為頭者
誤古事談續古事談或云參議或云納言難取一決
故今止云良世荐歷顯要寬平中拜右大臣為氏長
者叙從二位聽牛車進左大臣致仕世稱致仕大臣

昌泰三年薨贈從一位紀畧補任子邦基恒佐邦基中納

言恒佐右大臣正三位補任系圖

長良志行高潔親睦諸第友愛天至接士大夫以寬

容人無貴賤仰慕之文德實錄弘仁末聽昇殿補任時仁明

在儲宮特被親昵花晨月夕戲席射場許以交敵長

良修整冠帶未嘗失儀文德實錄天長中叙從五位下踰

歲為侍從歷左兵衛權佐左衛門佐仁明即位進從

四位下歷左右馬頭遷左兵衛督轉左衛門督兼和

十一年任參議續日本後紀歷兼讚岐伊勢守補任嘉

祥三年叙從三位是歲帝崩長良追慕悲泣不啖魚

肉齋衛初為權中納言叙從二位三年薨時年五十

五文德實錄陽成即位以外祖贈左大臣正一位詔曰紀

德錄勲代既異而加等飾終追遠身雖謝而及恩况

乃天愛之深理切敦族人道之重情殷睦親外祖父

故中納言從二位藤原朝臣識度夷雅餘慶延於身

後外祖母藤原氏門傳間訓家著閨儀蘋藻之禮彌

恭松蘿之義交映並但耀靡借傲稅景於西峯閩水

易驚遂遊魂於東岱悲玉樹之早落不見孫榮訪瓊

蘭之遺芳宜從子貴外祖父可左大臣正一位外祖

母可正一位死而有知嘉茲哀贈元慶三年贈太政

大臣文德實錄三代子國經基經基經自有傳國經

大納言正三位補仕

良相少遊大學局量開曠有才辨兼和初召侍禁中

累遷左近衛少將三代實錄補仕橘逸勢等謀反事發良相

率近衛四十人圍守太子直曹收帶刀兵杖續日本後紀

尋兼阿波守授從四位下轉中將嘉祥中拜參議兼

右大辨尋領陸奧出羽按察使兼春宮大夫仁壽元

年授從三位任權中納言齋衡初轉大納言兼右近

衛大將天安元年拜右大臣續日本後紀三代實錄補仕上

表辭不許文德實錄貞觀元年進正二位四年地震詔言

得失良相上表曰伏惟皇帝陛下德高雲霓明並日

月猶開廣詢之路遂降不諱之綸臣身非岳神位忝

台衮獻替之誠徒積塵髮之效已申仍以中外之國

小大之政所以治而不亂者唯以任得其人也脫非

其人則雖有峻法嚴令然是為亂之階終非為治之

備矣詩曰人之云亡邦國殄瘁書曰都在知人知人

則哲能官人臣之不敏深信斯言從政以來猶自留

意而趙魏滕薛之仕易迷絳侯奮夫之才難辨即知

人心險於山川惟帝其難將如之何抑其明經秀才

得試及第者尤是國家之才望宜明古今王事之體

又一切智智法教無量凡諸僧綱及曾經八省維摩
講師應通熟世諦之利病又右大辨南淵朝臣年名
身爲進士職經內史稍通治體既居樞要山城守紀
朝臣今守所歷之州風聲必暢論之良吏自爲先鳴
伊豫守豐前王才學早彰資歷淹久無他異跡足謂
老成太宰大貳藤原朝臣冬緒聲名粗達器識漸優
吏幹之稱仍有可愛大和守弘宗王頗有治名多宰
州縣雖自賢之費或罹法網而談諸經國非無其才
然則宜令此輩同上意見既云認及篇竟何況於彼
有識臣謬荷重責無他息肩徒獻管窺耻塵旋聽八

綱

年累上表請解職優詔不許明年正月又抗表曰臣
聞盈虛有節天道所以長存損益隨時人事由其免
害臣謬以菲磷頻荷華寵自居峻秩常念撝謙臣食
封前後並二十戶先帝察其寸心聽返十戶臣向寢
患彌留乞還封爵九重冲邈難蒙哀察徒詠穉兮猶
恐嗟若竊聞比來州郡京邑兼去年早險之弊人用
不贍穀價騰躍加以諸國入少百官俸乏帑藏已空
歲用不支臣辱居端揆無所彌縫有慙惶之弗暇况
尸素之胡顏顧此厚封自思減耗亦竊庶幾古人損
有餘補不足之義也臣幸藉陛下不訾之恩凡願子

弟近親畧皆得拜官爵仰給資養得無所乏矣況亦
大將職罷經用減少所賜十戶於臣有餘伏望奉返
此五百戶將補國用之萬一然則詩人罷取禾之刺
鬼神貽福讎之慶是年十月得病直廬無幾薨年五
十五遺令薄葬三代實錄稱西三條大臣補仕尊早分脈帝不視
事三日詔贈正一位良相好文學之士有大學生貧
寒者時贈綿絹冬月多製衣被畀四學堂夜宿者每
時節招學生能文者賦詩因賞以物仁明帝嘗煎練
五石賜近臣試之皆嫖無飲之者惟良相引盃即盡
帝感其至心及登衮職專心機務志在匡濟當時放

鷹漁獵一切禁止山川數澤之利與民共之皆良相
之所建立也性睦親族又信教建延命院於勸學佛
院南以養藤氏生徒病困無資業者以東京六條宅
名崇親院割封戶置義田收養宗族子女不能自存
者院中建小堂置佛像令居住者每旦念誦觀音自
作願文詞多不載焉喪室大江氏不再娶終絕腥鮮
是月十日臨終告諸子曰今日興福寺維摩會之初
講也吾儻以是日歸寂安知不與彼法會有因緣乎
乃命侍兒扶起手作佛印而絕子常行忠方並以才
行見稱常行貞觀中至大納言正三位兼右近衛大

將陸奧出羽按察使十七年薨年四十三代實錄廢朝一日贈從二位紀畧忠方工隸書官至從五位下阿波權

守三代實錄
尊早分脈

良仁為人淡雅風神警亮美姿儀少遊大學讀書忘疲文德在儲宮時召為藏人遷東宮亮授從五位上帝即位授正五位上為中宮亮累遷右近衛中將大舍人頭後坐事左遷越前權守入為中宮大夫良仁門地高華服飾之美最極鮮明甚好馬退公之暇每為愛玩性至孝丁母憂哭泣歐血絕而復蘇遂成疾負觀二年卒年四十二三代實錄

冬嗣弟愛發大同中為文章生弘仁中為民部少輔右中辨天長三年拜參議累歷清要九年授從三位遷中納言兼民部卿兼和七年叙正三位任大納言九年伴健岑等謀反事連愛發幽於院中既而被釋擯住京外居山城久勢郡別墅愛發為人和柔不妄發念其在政塗號為通熟明年薨年五十七續日本後紀補

大日本史卷一百二十四終

天保十三壬寅年九月廿八日於鏡山謹書寫之

中村萬喜直道

大日本史卷一百二十五

列傳第五十二

權中納言從三位源光圀
修男權中納言從三位綱條
扶

橘清友

安倍兄雄

藤原長岡

弟大津 衛

藤原松影

藤原諸葛

橘清友參議奈良麻呂之第三子也少而沈厚涉獵

書記身長六尺二寸眉目如畫舉止甚都延曆五年
為內舍人實錄叙正五位下日本紀畧八年病卒時年三
十二先是高麗來聘清友以良家子姿儀魁偉中選
接對大使其獻可大夫史都蒙善相法問通事舍人
山於野上曰彼少年為何人也對曰京師一白面耳
都蒙曰此人乞骨非常子孫大貴野上問命之長短
曰三十二有厄過此無恙清友娶田口氏生檀林皇
后奕世貴顯果如其言實錄弘仁中贈從三位紀畧仁
明即位詔曰盛德無瑕必資加等之榮徽烈惟照聿
修崇號之制故敬宗尊祖義煥曩篇追遠飾終不隔

異代朕外祖父從三位橘朝臣疏基顯族驤首高衛
外祖母從三位田口氏毓彩芝田騰芳惠圃但屬運
謝已從閩川朕以菲薄丕兼洪業緬尋既往想清輝
之眇焉乃詢舊章宣綏禮而有貴宜外祖父及外祖
母並贈正一位山城相樂郡弄山墓河內交野郡小
山墓置守冢各一户兼和六年贈太政大臣正一位
六年據八年以相樂郡山四町為墓地續日本紀畧子氏
公吉清吉清據今昔物語氏公以皇后弟累歷顯要兼和十
一年拜右大臣叙從二位既而上表辭食封一千戶
帝賜書應諭許之乃移病就第十四年薨年六十五

世稱并手右大臣遣中使宣詔贈從一位遣參議滋
野負主治部大輔房世王等監護喪奠續日本後
紀補仕子
岑繼身長六尺餘稟性寬緩少年愚鈍不好文唇其
母為仁明帝乳母以故陪藩邸稍蒙寵幸帝嘗歎曰
岑繼大臣之後國之近戚若有才識公卿之位庶幾
可企何不學之甚哉岑繼聞而慙之改節勵精從師
受學略通大旨天長初為內舍人累遷右近衛少將
時父氏公兼本府大將因改充兵衛佐尋遷左近衛
少將三代實錄兼和中國賜伊勢壹志郡空閑地一百三十
町續日本
後紀齋衛中至正三位中納言貞觀二年薨年

五十七三代實錄清友弟清野性質素寡欲隱居交野以
太皇太后叔父天長中授從四位上卒年八十類聚
國史
紀畧吉清子吉俊以善碁為宇多帝被親近出仕備前
掾及帝落飾吉俊亦削髮更名寬蓮為殿上法師帝
與蓮圍碁賭以金枕蓮勝得之罷出帝使侍臣追奪
以為嬉笑如此者數矣蓮嘗有志于建精舍而力不
贍欲得金枕以充經費後製一枕袖之而入對碁又
勝懷枕走出帝又侍臣使追及之蓮乃出枕按并
中追者捨蓮就并取之則塗金木枕也侍臣還奏帝
大笑蓮乃賣金買地造彌勒寺今昔物語○古事談
為醍醐帝事今從本

書蓮嘗赴仁和寺有女奴謁車下曰主人致命欲與君有所言幸暫枉駕蓮雖心怪之而隨行至道祖大路有一板屋鈎簾立几帳前置碁局有婦人聲曰今日屈君非有他先人頗善碁妾幼受指授聞君當今第一手妾欲一觀是以煩君蓮唯唯婦人曰羞與人相見妾指示君代而下子蓮又諾婦人曰今日始對君未知碁品妾當先著乃出小片木指中聖目蓮爲著之又自著攻禦稍久蓮汗手焦思不遑自救遂大敗婦人笑曰復否蓮惘然自失躡履走出具碁上皇遣人視之其人既去不知所往

今昔物語

安倍兄雄從三位糠蟲之孫又曰道守兄雄延曆末授從五位下歷少納言中衛少將大同中叙從四位下遷大膳大夫兼近江守爲山陽道觀察使拜准參議右京大夫歷兼右兵衛督近衛中將爲東山道觀察使叙正四位下遷畿內觀察使卒于官兄雄性亮直有耿介之節才涉文武所歷之職以公廉稱伊豫親王廢帝方震怒群臣莫敢諫者唯兄雄固爭雖不能得時論譴之

補仕

藤原長岡右大臣內麻呂第六子也最長武藝善騎射大同中任陸奥大掾遷左兵衛少尉弘仁中歷出

羽駿河播磨入天長兼和間仕山城守歷遷治部宮
內大輔木工頭兼右衛門佐遷右馬頭任越前守所
在以清幹稱再仕山城守移病不起尋仕大和守以
老固辭不允叙從四位上秩滿隱居守智郡嘉祥二
年卒年六十四續日本後紀第大津

大津軀幹短小而有操守善步射年十八為大舍人
大允任常陸大掾入為右近衛將監天長中叙從五
位下為備後守有善政民庶歌思數年為大監物遷
散位頭兼和中歷尤馬助信濃守實錄為神祇大副
伴健岑等及大津守宇治橋事平為陸奧守續日本後紀

未及之仕改左衛門佐除伊豫守在治歲餘境內豐
稔百姓富贍仁壽中遷備前守至正五位下齋衡元
年卒年六十三實錄子良繩自有傳第衛

衡二歲喪母比及五歲問而知其故哀慕感人內麻
呂奇之立為嫡嗣七歲遊學奉文章生試及科時年
十八時人方之賈誼為中判事遷大學助弘仁末叙
從五位下為遠江守政貴寬辭百姓欣戴天長中朝
廷善其治績授從五位上累遷木工頭右少辨式部
少輔有不法者必譏議之不避貴戚帝甚器之兼和
初轉大輔兼伊豫守後為太宰大貳上表辭曰被尚

書召以臣爲鎮西大貳劔壁流汗弱水寒心比之於
臣彼何足喻臣聞遊榆枋者無培風之勢割烏鳥者
非解牛之宜即知小大之介自定於天資輕重之用
甚明於人事者也臣自出身以來適二十餘年雖頗
遇昌運頗歷司牧而入莅曹局出製滕薛彼少事之
地尚耻治化於古况方獄之寄必待邦家之光而不
以臣之輕瑣猶令誤此重選思力於內圖仕於外如
牧地之負丘山何年月而期叨叨富與貴者是人
之所欲也臣何人而辭曜世之榮哉所恐天工之空從
明時而始豈顧冥叨之誅實人口之中庶暫忝咫尺

之威熟察方寸之誠不允先是所管九國二島醫師
博士總府所自任也名實不判虛費稟祿衛奏曰博
士執經授業之職醫師合藥療治之官也雖道自有
優劣然事非無緩急何者一夕之命得方則存其生
理百年之身失術則墜其天算彼飛鳥之葦草流香
之反魂言於世路是甚急者而今府所任置醫師等
未必其人假名居位三藥非共知十療無一驗遂使
病門失望豈是皇度本意乎請特依朝選以革弊風
書奏從之自此典藥生始擢受業練道者文德實錄又上
奏四條其一曰新羅朝貢其來尚矣而起自聖武皇

帝之代造于聖朝不用舊例常懷奸心苞茅不貢託
事商賈窺國消息方今民窮食乏若有不虞何以防
夫望請新羅國人一切禁斷不入境內二曰交替務
畢未得解由五位之徒寄言格旨留仕管內常妨農
商侵漢百姓巧為奸利之謀未覩填納之物望請交
替已畢早從入京三曰府多官舍破損不少例用浪
人常勤修理而比年多依官符被充他用望請一切
不他從四曰邊要之地為有警虞延曆年中特立制
文不許開田而比年頗有墾闢之事望請依延曆三
年四月二十六日符一從停止許之

續日本
後紀

扶滿歸

京嘉祥中帝御武德殿賜宴於渤海使妙選侍臣之
善辭令者衛當其選賜續命縹佩之使容歎其優範
彘為彈正大弼王公豪右咸畏憚之仁壽齋衛間遷
勣解由長官兼加賀守至正四位下右京大夫天安
元年卒年五十九第助少遊大學頗涉史傳弘仁末
歷少判事為大學助累歷內外兼和中拜參議遷治
部卿為左兵衛督叙正四位下心性清直不憚毀譽
廷臣為之踟躕仁壽三年卒年五十五

文德
實錄

藤原松影父星雄刑部少輔從五位下松影為人嚴
正鬚眉如畫起家補內舍人天長中遷式部大丞時

高選東宮僚屬松影風望夙著擢為少進既而彼式
部大亟朝會之日源常有教帶劔式部省不知見而
詰之常愧赧而退帝聞而大怒貶責本省官人松影
尤轉彈正少忠兼和中之為遣唐使判官兼山城權外
以母老辭判官復為式部大亟出為丹波少領之又
為式部大亟授從五位下仕尤少辨續日本後紀累
文德實錄
歷中務治部少輔出雲山城等守齋衛二年卒松影
四入式部諳練故事其進止容儀得於天性後為式
部者皆為模楷焉文德實錄
藤原諸葛右大臣三守孫父有統侍從從五位上諸

葛兼和中為但馬少補藏人仁壽齋衛間授從五位
下為加賀權外負觀中歷中務少輔少納言兵部大
輔藏人頭為尤近衛權中將元慶三年拜參議尋兼
右衛門督叙正四位下三代實錄時帝昏暴日甚太政大
臣基經會公卿議廢立諸卿相顧莫敢發言諸葛怒
自按劔曰今日之事宜隨太政大臣處分有敢違者
斬議遂決大鏡玉海
兼安五年寬平三年叙從三位仕中納言
七年上表致仕是歲薨年七十補子玄上工和歌善
彈琵琶江談抄延喜中至參議從三位兼刑部卿補
大日本史卷一百二十五終

天保十三壬寅年冬十月朔日於阿蘇郡南鄉
菅尾手永馬見原與鏡山麓謹書寫之

中村萬喜直衛

大日本史卷一百二十六

列傳第五十三

權中納言從三位源光國修
男權中納言從三位綱條校

藤原園人

藤原緒嗣 子春津

清原夏野

藤原園人中衛大將后前孫大藏卿楓麻呂長子也
公補任寶龜末叙從五位下為美濃人天應元年遷備
中守延曆初歷少納言右少辨安藝備後守為大宰

少貳既而為豐後守

續日
本紀

遷大和守入為右京大夫

所在著績稱為良吏百姓追思為立生祠稍遷治部

大輔右大辨大藏卿無相猷守大同元年轉宮內卿

任權參議遂為真無皇太弟傳累授正四位下勳二

等為山陽道觀察使

神奏曰

西海道年中上都雜使

其數繁多而此道疲弊異於他境檢察其由率緣迎

送無息不得顧私望請西海道五位已上自非秩滿

解任者不聽輒入京教許之

類聚國史
三代格

二年又奏曰

備前國解倂書生等言已等白丁課役之民而長直

公事不顧私業或久經京下永妨農業或巡行部內

私費人馬身勞不異郡司榮祿還無所賴伏望特告

官司借貸正稅各款窘乏國司勘之事有合矜仍請

使裁等商量賞則招人解則聚魚若不優矜則部內

公文將訖誰人望請當道諸國隨國大小正稅一萬

二千束已下八千束已上每年借貸令自勸勉勅宜

差量給之若有未納令國司填之立為恒例畿內七

道諸國亦宜准此

三代
格

又上言播磨國內封戶巨多

運租之勞於民為弊加以界近都下雜用繁多動用

穀類不足久用不動之財只九萬斛熟尋其原由封

戶之數多也伏望減省春宮坊並諸寺封五百戶移

附東國即收其租以為不動然則弊民斯息貯物自積許之三年矣當道播磨備中備後安藝周防等五國去延曆四年以降二十四年已往庸並雜穀等欠負其數不少良由頻年不檢人民彫弊也今將追辦本色國司則或死或替幹濟難成百姓則且病且飢運進太難伏望欠負之物一收穎稻混合正稅庶於公無損於私得便但任觀察使以來一依舊令辦進許之類聚國史是歲轉民部卿行北陸道事補四年奏言伏按去四月二十八日詔書併大辟已下罪無輕重常赦所不免咸皆赦除者非常之恩率土率類凡厥

大小誰不霑澤方今當道諸國損弊年久公途難辦當時宰吏或有欠負雜物檢怠則罪逢赦除勅物則實在貧民使付後仕遷移前各相續催煩輸轉不絕准之事由元非挾情比之枉法輕重自分伏望大同元年以來調庸雜米等未進者官用有限文料頗多竝須依數催進自餘雜米未進之類在恩詔之前者悉從免除庶使窮困人民永忘舊歲之責見仕國司頓絕前官之怠許之其京畿竝諸國准之類聚國史累進正三位中納言弘仁元年轉大納言補奏言謹按去延曆十四年閏七月一日敕減諸國出舉正稅息

利率十束収利三束由茲觀之矜百姓之罄乏惜崩
俗之弊衰也大同之初改張此例更率十束収利五
束爾來迄今彫損滋甚水旱疾疫頃年相仍僅賴今
歲之豐稔少慰先時之菜色然而窮困之民未得興
復備償之煩當從輕斯伏請論定公廩及雜色捐出
舉息利始自今年一依延曆十四年敕行之庶令次
重從輕濟弊招益救許之二年奏言夫郡司有勞之
亂奕世相承郡中百姓長幼託心臨事成務實異他
人而偏取藝業永絕譜第用庸材之賤下處門地之
勞上爲政則物情不從聽訟則決斷無伏於公難濟

於私多患望請郡司之擬先盡譜第遂無其人後及
藝業詔應變設教爲政之要樞尚時制宜濟民之本
務故昔堯舜異道而天下歸仁湯武殊治而蒼生欣
賴朕還淳返朴之風未覃下土興滅繼絕之思常切
中襟夫郡領者難波朝廷置其職有勞之人世序其
官逮于延曆年中偏取才良永廢譜第宜依來奏明
年又奏夫量能授職邦教攸先訓俗宣風郡司是寄
故任當其器則庶績咸康委失其才則政治自亂以
譜第之事既復舊例奕世相繼義在象賢是以國司
簡定銓擬上言無賴之徒不領銓擬之例或身在京

爭第相告抑退國選遂奪其位一民之志未有推服
百里之任何能可堪臨事面墻操刀傷錦其之為弊
古今一揆望請銓擬郡司一依國定若選非其人政
績無驗則署帳之官咸解見任永不叙用以懲將來
敕依奏但主政帳不在此限類聚三三年為右大臣
補公卿四年奏念舊酬勞賢哲遺訓重生受命貴賤無
殊今天下之人各有僕隸平生之日既役其力病患
之時卽出路邊無人者養遂致餓死此之為弊不可
勝言伏望布告京畿早從禁止庶令路傍無大枉之
鬼天下多終命之人敕宜令加禁制猶致違犯者五

位已上注名奏之六位已下不論蔭贖決杖一百臺
及職國知而不糾及條令坊長國郡隣保相庇不告
竝與同罪榜示要路分類聚明告知國史五年進從二位
補公卿奏去大同二年停正月二節迄于三年又廢三
月節大槩為省費也今正月二節復于舊例九月節
准三月去弘仁三年已來更加花宴准之延曆花宴
獨剩比之大同四節更起顧彼祿賜庫貯罄乏伏望
九日者不入節會之例須臨時擇定堪文藻者下知
所司庶絕他人之望省大藏之耗又奏去延曆十年
車駕幸交野此時禁畿內國司獻物而比年間曾無

遵行寄言貢獻還煩百姓不穩之譏相繼無息伏望
自今以後一切禁斷但臣下之志私有供進者不在
禁限類聚又奏諸國所收官物本倉色目具注稅帳
而國司或非其人有便郡稻卽公廨當土百姓不得
舉給遠授他郡徒疲徃還是以不便之處物數有剩
至于交替通計諸郡名無關失實與帳違積習成俗
其弊未改出雲國最多此類縱令甲郡應貯而納乙
處狂賊作亂還致失火帳注全倉物既灰燼公家之
損莫過斯甚伏望自今以後下知諸國依帳收納甲
乙之郡不許通計若本倉相違准狀科處庶令官家

少損黎民濟急並許之日本後紀類聚國八年奏依
太政官延曆十八年四月十三日符日本書一作畿
內五國郡司一居內考率由近接都下驅策殊甚准
於外國不可同日今如此輩未出身前相競如林既
得考後詐告病假非帝闕稟郡務誠是欺犯朝章伏
望自今以後有斯類者國司勅實一從還本若有國
司受彼請託輒解卻者准狀科附不從寬典庶遏茲
源以勵後進教從之類聚三九年薨年六十三日本
公卿帝甚悼惜遣使監護喪事日本贈正一位左大
臣日本稱山科大臣公卿嘗奉教與萬多親王

撰姓氏錄日本姓氏錄序子濱主尊卑從四位上安藝守

後續日本紀

藤原緒嗣式部卿百川長子也延曆七年加冠殿上其幘頭巾子賜乘輿之所御即授正六位上補內舍人賜劔敕曰是汝父所獻也汝父壽詞于今未忘每一思之不覺淚下今以賜汝宜莫失焉尋賜封百五十戶既而進從五位下補侍從為中衛少將後續日本十五年兼常陸介內既頭俄遷衛門佐明年兼內藏頭公卿轉衛門督兼出雲守為右衛士督二十一年行幸神泉苑宴闌令緒嗣彈和琴召右大臣神王耳

語良久乃流涕更召皇太子及親王陪殿上即詔曰微緒嗣之父朕豈得踐帝位哉雖知緒嗣年少為羣下所怪而其父元功朕尚不忘宜拜參議以報宿恩神王奉敕便起引唱後續日本乃拜參議特賜別封百戶二十三年兼山城守公卿明年詔與菅野真道議政事得失緒嗣曰方今天下所苦者軍務土木停此兩事則百姓休息帝善之日本略大同中為山陰道觀察使後續日本俄遷畿內觀察使公卿兼左大辯尋兼刑部卿遷東山道觀察使兼陸奧出羽按察使後奏曰國以民為本民以食為命而鎮兵三千八百

人一年糧料五十餘萬束由此百姓糜弊倉廩空虛
如無蓄積何防非常加以往年每有征代必課軍糧
於坂東伏請以坂東官稻充陸奧公廨以陸奧公廨
留收官庫然則公私得所實愜便宜又奏陸奧國國
司鎮官等各以公廨作差令舂米四千餘斛雇人運
送以充年糧雖因循年久於法無據但邊要之事頗
異中國何者蒞田以北近郡支軍糧信夫以南遠郡
稻給公廨其去國府二三百里於城柵七八百里車
力之累不可舂運若勘當停止必致飢餓請給舂運
功爲例行之並許之類聚國史遷右兵衛右衛門督停按

察使歷近江美濃守遷宮内卿兼河内守續日本後紀弘

仁八年拜中納言累進正三位民部卿十二年轉大

納言公卿補任十三年奏言臣昔忝陸奧出羽按察使道

經東山略問百姓之苦天下重役莫過驛戶夏月飲

河不顧產業冬日履霜常事遞送雖寬免其庸徭勤

苦倍於平民伏請諸國驛子准書生例每戶量給借

貸稻二石束兼擇驛下好田混授一處許之類聚國史類聚

三代格明年敘從二位兼皇太子傳續日本後紀及淳

和帝修大嘗緒嗣與右大臣藤原冬嗣等侍清涼殿

奏曰聖主相續大嘗類御天下騷動人民多疲然神

事不得已今年大嘗須停飾省弊帝嘉之冬嗣請令
緒嗣檢校其事許之緒嗣亦請以中納言良岑安世
參議伴國道等為檢校便以治部省廳為行事所唯
齋院卜筮定之宮內省為悠紀所中務省為主基所
權作屋用之但齋場依例設於北野凡玩好金銀刻
鏤等飾一切不用標以賢木造之用橘并木綿類書
悠紀主基字著樹抄以清素供神事耳所用正稅悠
紀主基各十萬依國司之請各減五萬以從省約又
運悠紀主基兩國雜物擔夫各給路糧類聚國史天長二
年為右大臣納封一千戶以助國用九年為左大臣

續日本後紀
日本紀略

仁明帝即位進正二位弘仁以降上表
辭職者十餘三朝優詔不許至是以衰邁不堪務固
辭乞骸骨請減職封五百戶亦不許承和二年賜攝
津島上郡荒田三町明年請辭職田職分資人雜色
考人衛士以助國用不許四年歲飢緒嗣上表曰臣
年老病重出入絕望在牀引日既過一紀臣竊見天
下官庫空罄國用闕乏况今年不稔衣食共損倉庫
不實何知禮節天長之初臣已上意見奏言省不要
之官斷文華之費而臣今嬰疾空積星霜曠官之責
可謂其首夫文章者歷代不朽豈口奏其言而久居

職哉加以陰陽不調責在臣子伏望停不當之號開
賢德之進然則天道無災自作中興非敢逃天澤之
榮名飾之利不許尋賜山城宇治郡公田若干十年
屢上表乞骸骨詔曰省表具之深以悲感朕自在大
哀荒襟迷繆雖迫遺制不能自勉是以政無大小聽
于冢宰然則恩信之勤須倍常日託委之情當在此
時而認意褫服致誠懸車前後累表確乎不移殆將
依請則具瞻之寄闕之於國縱不遂望則高舉之求
損之於公畢景終宵思服成疾然義不在飾信終歸
誠類抑冲祈恐傷乃懷故屈朕懇慕申公謙退望朝

端而空座辭台階以生塵徘徊于此心無所厝但至
道不限大忠無終公家之有無王室之利害言之不
諱議而不盡自後猶相累幸勿金玉乃音是乃所以
相共終始之大望也春寒想強加食旨不多及續日本後
紀於是致仕未幾薨年七十續日本後紀公卿稱山
本大臣公卿補任代要記帝遣使監護喪事遺言不受詔曰
念功惟深懷德卽舊總天工之綱紀爲人臣之重望
况乎自朕知冲翊比王室志同鷹隼操均松筠夫哀
以悼往榮以飾終宜崇寵贈用光幽壤可贈從一位
緒嗣曉達政術國之利害知無不言但偏信先入之

言不容後說以是得譏續日本後紀嘗與撰姓氏錄姓氏錄序
及日本後紀子家雄國史類聚春津實錄家雄從四位上
左兵衛督天長中卒年三十四性清介有家風好典
籍兼善步射人惜其未及執臺簡而早卒國史類聚
春津風姿美麗清警寬雅天長中擢左近衛將監遷
皇太后宮大進實錄承和中為侍從并右馬頭及父
致仕其第三表使春津進之敕曰左丞相藤原朝臣
公先朝之元勳而朕之舊德也近功成名遂歸老於
第朕以凡杖禮優之不敢負公之故也然政之資賢
相猶病之待良醫永言于此戀慕彌深夫鬼神有知

體清慎者壽命永福祿無主履忠孝者子孫昌正五
位下右馬頭藤原朝臣春津是公之孝子特可授從
四位下以慰目前續日本後紀嘉祥末丁母憂去職未幾
奪情起之任右兵衛督仁壽齊衡間遷刑部卿實錄
至從四位上兼但馬守實錄貞觀元年為備前守並
不之官是歲卒年五十二春津家世貴顯貲財甚富
居宅營構最務鮮華而性寡嗜欲不貪財利惟愛馬
時時觀之以為娛玩養間里第朝參頗希清和帝戲
語左右曰春津是南山之玄豹也實錄
清原夏野初名繁野公卿補任三原王之孫小倉王第五

子也續日本後紀延曆二十三年為內舍人小倉王表請

繁野及小倉別王之孫內舍人山河等依犬上王故

事同賜清原真人姓且繁野名觸皇子諱改繁為夏

許之大同中歷中監物遷大舍人大允弘仁中補藏

人叙從五位下為宮內少輔春宮大進轉春宮亮兼

讚岐伯耆下總等守補藏人頭兼左近衛中將近江

權守○本書無權字今任參議天長元年累進從四

位上補公卿奏曰國中之政朝集使當奏言而或附史

生至于問政譬如面墻伏望差官長副史生一人其

國滯政面陳於玉階之前然後罷遣但有可奏於玉

階前者雖非朝集使聽入京無可奏之事雖朝集使

不聽之又奏除不堪佃之外別有常荒田百姓耕作

國司徵租民畏此迫常憚耕食伏望一身之間永聽

耕食但六年之後徵租如法教並從之類聚三代格明年

進從三位任中納言兼左兵衛督三年轉左近衛大

將民部卿補公卿奏曰設置八省職察相輔隸百宦守

職庶務俱成一事有關萬事皆緩今親王任八省卿

此人地望素高不得就職無知碎務是故官事自懈

政迹日蕪非是庸愚之所致因地勢使之然也凡官

人遷代必署解由至有關物不免償物望請點定數

國為親王國迭任彼國身留京師都意欲居京官者
須聽一兩人若有守闕者不補他人其料物納置別
倉支無品親王之用從之類聚三七年為大納言卿
補淳和帝幸其雙園岡山莊擇文人三十人賦詩授
妻葛井庭子從五位下類聚國史本紀略八年叙正三位九
年為右大臣大將如故補公卿初藤原不比等作令傳
歷年久當時學者互作異同乃詔夏野疏決壅滯解
釋文義夏野與參議南淵弘負藤原常嗣文章博士
菅原清公等論辨折衷作義解十卷十年書成奏之
朝廷遂施行焉解令義仁明帝即位鉞敘從二位承和

元年巖嵯峨太上皇幸雙園莊進其三子瀧雄澤雄
秋雄位夏野屢請解大將不許四年上表又辭續本後日
紀唯罷大將不許還食封紀日本尋薨年五十六續本後日
紀贈正二位稱雙園大臣又以創比寺稱比大臣公卿
補瀧雄天長中任右兵衛少尉累遷雅樂頭居父喪
哀毀過禮朝廷奪情以本官起之三代實錄嘉祥未進從
四位上尋為守藝守遷中務大輔文德實錄貞觀中
丁母憂解職詔起復五年卒于官年六十五秋雄工
射藝善挽強弓三代實錄承和初為侍從續日本後紀遭
父喪解官明年詔以本官起之三代實錄伴健岑等謀反

遣秋雄守大枝道續日本後紀貞觀中至從四位上右兵衛督秋雄不修細行飲酒過差晚節最甚十六年卒年六十三三代實錄

大日本史卷之一百二十六終

大日本史卷之一百二十七

列傳第五十四

權中納言從三位源光圀 修
男權中納言從三位綱條 校
玄孫權中納言從三位治保重校

滋野貞主

小野岑守

藤原三守

安倍安仁

藤原吉野

子良近

朝野鹿取

藤原良繩

滋野貞主尾張守家譯子也大同初奉文章生試及第弘仁中爲大內記叙外從五位下遷圖書頭爲東宮學士天長中叙從五位上奉敕與諸儒撰集古今文書以類相從凡一千卷名祕府略文德實錄從五位上據類聚國又撰經國集二十卷而上之經國集序仁明帝卽位任內藏頭宮內大輔承和中歷兵部大輔彈正大弼教從四位上任大藏卿兼讚岐守遷式部大輔拜參議爲勅解由使長官續日本後紀尋陳便宜十四事文

多不載嘉祥初兼尾張守時太宰府吏多不良衰弊日甚貞主上表曰夫太宰府者西極之大壤中國之領袖也東以長門爲關西以新羅爲拒加以九國二島郡縣闊遠自古至今以爲重鎮夫謀事必就祖發政占古語因檢舊記大唐高麗新羅百濟任那等悉託此境乃得入朝或緣貢獻之事或懷歸化之心可謂諸藩之輻湊中外之關門因茲有德爲帥貳才良爲監典若無其人選取辨官式部然頃年以來絕而不行近得蜚語云彼吏或擊目閉口似避時之人或忘恥貪財爲聚斂之吏府司國宰莫不悲傷若如此

不變恐噬臍不及臣聞此語心神罔措此之蜚語未
必有信據而臣子之理何不預憂又聞少貳小野朝
臣恒柯筑前守紀朝臣今守有意執論無力矯枉未
審虛實唯得耳剝臣不勝血誠伏觸逆鱗言詞切直
不省文德實錄尋遷宮內卿續日本後紀文德帝即位授
正四位下兼相模守仁壽二年毒瘡發脣吻詔賜鑿
藥中使相望於路未幾卒年六十八遺戒子孫殯殮
一從儉薄身死之後唯齋供而已貞主身長六尺二
寸涯岸甚高雅有度量而天性慈仁恐語傷人其在
銓官汲引進士隨器選叙死之日知與不知莫不流

涕愍惜文德實錄初貞主有宅在西寺之南捨而創寺奏

請為西寺別院續日本後紀營構模唐慈恩寺因號慈恩

寺百鍊

小野岑守大德冠妹子玄孫也皇胤父永見征夷

副將軍岑守延曆末為權少外記大同中任畿內觀

察使判官公卿補任超授從五位下類聚國史遷右少辨

式部少輔弘仁中為內藏頭歷陸奧阿波等守入為

治部大輔叙從四位下兼皇太后宮大夫十三年任參

議兼太宰大貳公卿補任明年以民困乏欲令管内九國

佃公營田於是詳錄事實陳其區畫上表曰洪水滔

天大旱鑿地自然之數大聖無免唯堯湯之世有十年之蓄不聞道殣相望弃捐溝壑者積蓄多故也方今頻年不稔加以疫癘管內諸國被害最甚振恤數加府庫漸罄寬政頻行民猶不足比屋無爨炊之烟連戶多荒涼之門因斯薄賦省徭既闕支度之務公用守常責民輸貢之費儻非通變治恐難致易曰通其變使民不倦劉子曰明主務修其法因時制宜苟利於民不必法古或害於事不可循舊夏商之衰不變法而亡三代之興不相襲而王由此觀之法宜變動非一代也今法者溺於故律儒者拘於舊禮若握

一世之法以御百代之民猶以一衣擬寒暑一藥治瘞瘕臣變易常制輒上新議事之由趣具列表左既免調庸兼給糧食於民為優於上為艱又古者九年耕必有三年之食以三十年通計有十年之食雖凶年水溢民無菜色今之所議九國三十年之積三千年二百餘萬以之混合正稅永代之畜不謝上世伏冀倉廩之實指期可待禮節之知不在遐年教議其便宜公卿議曰岑守所言抑有可取但古來所行誠憚卒改試限四年依請行之政事要略天長中進從四位上類聚國史日本為勘解由長官兼刑部卿補任七年紀略公卿補任

卒年五十三公卿補任岑守與中納言良岑安世中

務大輔朝野鹿取等撰內裏式內裏式序又與式部少輔

菅原清公大學助勇山文繼等撰凌雲新集一卷上

之凌雲集序先是行旅之赴太宰府者露宿道傍往往嬰

病致死岑守為太貳建續命院以備行旅止宿以謂

不藉公力恐久而廢替乃叙本意修解文曰府管九

國二島之民或公或私往來相續其求輕者暫經時

月其事重者竟歲始還客宿於府倉之下賃寄於閤

閣之間若疾病纏身手足不便官舍督察非養病之

處主家爭赴皆惡死之人遂使露卧道路暴死風霜

縱有時得痊愈亦以飢寒死者十而八九矣見其如

此心深救恤聊建續命院一處檜皮葺屋七宇鼎一

口墾田一百十四町以擬飢病有志無力庶幾萬一

地隔人遠執檢難周轉以屬人更增踈廢若不藉乎

公力恐志願之竟空伏望令府監或典一人及觀音

寺講師勾當其事替代之日一事已上皆依實勘付

若不加修理令破損及非法費用等之類竝以官法

論解文未上而卒後其家追請敕下所司續日本後紀依所請勾

當之官遷替之日與奪解由一准國司類聚三代格

子篁自有傳

藤原三守參議巨勢麻呂之孫阿波守真作子也初
為主藏正大同中累遷美作權人內藏助叙從五位
下拜右近衛少將續日本後紀弘仁初歷藏人頭公卿
補任歷內藏頭兼春宮亮進從四位下除式部大輔
兼左兵衛督七年拜參議兼春宮大夫十二年叙從
三位任權中納言再兼春宮大夫續日本後紀三守
以寵潛之舊恩殊蒙罷遇帝遜位御嵯峨院三守請
解武官給仕院中辭旨懇切自脫劍殿上觀者愍之
淳和帝知其不可奪聽帶權中納言侍太上皇公卿
天長中歷兼宮內刑部卿轉大納言兼兵部卿彈正

續日本後紀公卿補
尹任宮內卿仁明帝即位進從二位兼皇
太子傳承和五年拜右大臣七年薨年五十六續日本後
紀稱後山科大臣公卿遣參議文室秋津等就第宣
詔贈從一位參議安倍安仁等監護喪事三守立性
溫恭明于決斷蚤入太學受習五經好招引詩人接
杯促席每朝參塗遇諸必下馬而過以此得稱譽續日本
紀本後弘仁中與右大臣藤原冬嗣藤原葛野麻呂參
議秋篠安人橘常主等奉詔撰格式四人相踵薨逝
三守研究論定至天長七年書成表上之國類聚子有
統有貞尊卑有統從五位下侍從仲統參議正四位

下有負童亂侍仁明帝以娣為女御故殊被寵遇承
和中為丹波介不之任以宮闈之嫌出為常陸權介
入任右近衛少將貞觀中歷備中等守敘從四位下
為近江權守十五年卒有負不以權貴矜物而有忤
其意未嘗回避焉三代實錄

安倍安仁左京人治部卿東人孫父寬麻呂參議太
宰大貳安仁身長六尺三寸姿貌瓌偉性沈深有威
重弘仁中為山城大掾三代實錄聽昇殿公卿補任累歷中務
民部少丞天長中除近江權大掾介藤原弟雄深相
親善委任政事安仁為政強濟名聞朝廷秩限未滿

授從五位下除信濃介視事三年境內肅然任終之
年進一階以獎勵焉三代實錄補藏人頭卿補任承和中歷
兵部刑部大輔侍太上皇于嵯峨太上皇甚親任為
為院別當事無大小委決安仁先是院事壅滯安仁
臨職數月平理太上皇深嘉之尋遷治部大輔太上
皇嘗從容評論諸國吏才以謂無若安仁為信濃之
能廼賜牙笏玉帶金魚袋及御衣一襲有識相賀曰
是宰相之鴻漸也三代實錄累進從四位下拜參議兼刑
部卿續日本後紀太上皇謂安仁曰汝宜早居要職
何久行山院之事三代實錄七年兼左大辨續日本後紀

停別當自後院事不理救復兼別當辨官之務凌晨
入衙安仁退公之後常詣嵯峨朝廷恤其往還煩劇
轉大藏卿三代實錄文德帝在儲宮為春宮大夫歷兼下
野守彈正大弼續日本後紀為校河內和泉田使長
官續日本後紀兼右大辨續日本後紀叙從三位拜中納
言兼民部卿春宮大夫如故續日本後紀文德帝即
位授正三位齊衡中領陸奧出羽按察使三代實錄
拜權大納言三代實錄安仁志尚謙虛視公如家謂
視公如家謂子弟曰諸國調庸多入封家納官者少
所食之邑於身有餘三代實錄乃上表請減大納言所食

給中納言之封帝嘉其有讓特許所請尋為真兼右
近衛大將文德實錄無幾辭大將表再上許之負觀
元年薨時年六十七安仁練達政體明解朝章每有
奏議應對無滯會值假日教誡子孫有八子負行宗
行清行興行最知名負行自有傳興行舉秀才對策
及第負觀中授大內記勘解由次官叙從五位下為
遣太宰府推問密告使元慶中歷民部少輔累遷上
野介初清和帝遭太皇太后崩喪服之期未決令諸
儒議之興行亦與焉三代實錄
藤原吉野太宰帥藏下麻呂孫參議綱繼子也性寬

弘能容衆自少遊學手不卷釋而不耻下問見賢已者
勉勵思跂焉弘仁中歷主藏正美濃少掾春宮少進
叙從五位下除駿河守境內肅清以強清濟聞淳和
帝卽位入爲中務少輔遷左近衛少將天長中進從
五位上續日本後紀拜左少辨公卿補任兼伊豫守爲畿內巡
察使續日本後紀補藏人頭公卿補任進從四位下歷兼皇后
宮大夫右兵衛督任參議兼式部大輔春宮大夫叙
正四位下兼右近衛大將累進從三位權中納言仁
明帝卽位授正三位辭宿衛之職侍太上皇于淳和
院承和初爲中納言太上皇晏駕之後絕不朝參累

表辭職不許頻遣中使強起視事尋以親老請解職侍
養亦不許吉野性至孝定省溫清造次無違其父嘗
聞有鮮肉遣人索之庖人以吉野不在靳固不與吉
野歸而聞之大悔恨涕泣責讓庖人終身不復食肉
教誨子弟接以溫裕雖有過失未嘗作色而至執論
則無所回避寄住之處常種樹時人稱以爲有玉徽
之種竹之風九年坐伴健岑事貶太宰員外帥頃之
遷配山城不許入京師十三年薨年六十一續日本後紀
子良近三代實錄
良近風度清美容儀可觀雖無學術以政理見推天

安二年起家為刑部大丞式部少丞貞觀初為伊勢
權人就路召還拜右少辨四年丁母喪解職詔以本
官起復之為次侍從任越前權守十二年任右中辨
十四年少納言正岑王等以病喪不就職因敕良近
行少納言事明年為土佐權守遷左中辨十七年叙
從四位下遷神祇伯卒于官年七十五良近嘗醉與
人同車行戲曰吾能令此牛不行乃以手據車牀閉
氣堅坐牛張四足不前其膂力過人如此三代實錄
朝野鹿取大和人正六位上忍海連鷹取子也為叔
父朝野宿禰道長所子養延曆中請復連姓敕追陞

鷹取姓為宿禰鹿取少遊大學頗涉史漢兼通漢音
始試音生補相模博士後登科為文章生尋為遣唐
准錄事歷式部少錄○本書脫少字今據公卿補任左大史左近
衛將監續日本紀弘仁中補藏人公卿補任以藩郎侍講叙
從五位下為左衛門佐尋遭喪解官服未闋起為近
江介數年遷右近衛少將轉內藏頭進正五位下歷
兵部中務民部大輔續日本紀補藏人頭公卿補任遷左中
辨天長中授從四位上除太宰太貳上表辭之不許
續日本紀及赴任帝御紫宸殿宴餞召文人賦詩雅樂
寮奏樂賜御製及御被日本略十年拜參議承和中兼

左大辨代藤原愛發為民部卿上表曰臣類仄已臻
當褫朝章而今以臣拜民部卿恩貸不貲懼慙總萃
中納言從三位藤原朝臣愛發以茲顯職讓于愚臣
以為智涉古今此詞尤批臣器所乖捫已多慙伏望
還收恩詔免臣憂負不許數年兼越中守敘從三位
并其男女十九人賜朝臣姓十年薨年七十歲取多
才藝立性謹慎臨事明了以吏幹稱續日本後紀
藤原良繩字朝台右大臣內麻呂之孫備前守大津
之子也風容閒雅舉止詳審興福寺僧圓臺壹善相
人見良繩曰必登卿相榮寵無比退語人曰嗟乎於

命獨有可惜矣承和四年內舍人時同僚皆豪家年
少奢侈放縱無所拘束唯良繩動遵法度見者內慙
各自修飾相語曰朝台來則苦我去則莫不思者中
務省啓令侍東宮為太子所知愛擢藏人嘉祥末遷
左馬大允三代實錄仁壽齊衡間授從五位下為侍從兼
播磨介拜春宮亮三代實錄父大津在任得疾良繩
聞而欲輒奔赴帝不許及凶問至嘔血氣絕數刻乃
蘇因去職詔奪情以本官起之三代實錄俄兼左兵衛權
佐遷右中辨三代實錄天安中累遷任參議兼近江
權守貞觀初敘正四位下轉左大辨嘗於山城葛野

郡建一道場名真如院其母紀氏爲尼居焉良繩割
俸祿充香火之資至此紀氏寢疾綿綴良繩扶持不
違左右衣不解帶目不交睫及其沒解職哀戚過禮
殆至毀滅數月後起復本官是時右大辨南淵年名
左中辨大江音人班皆在良繩下良繩私語人曰二
臣或碩儒耆宿或朝家鹽梅吾齡少於二賢職居其
上出入進退常有汗顏左近衛少將藤原基經少有
風骨才望甚高時論皆謂非常之器也先帝亦重其
雅量最見親寵今共帶四位吾豈應安席凡有少將
帶四位者中將辭職是前賢所傳也吾雖無古人之

行竊懷慕遠之志久塞賢路預早避之遂稱病篤辭
讓懇切不肯省事久之年名爲左大辨音人右大辨
基經中將良繩遷右衛門督九年爲太皇太后宮大
夫明年卒年五十五良繩素性寬裕不好華飾孝謹
天至忠信夙彰盡心奉上未嘗洩機事特爲文德帝
所信任寵待加隆內外之事悉委決之領諸司諸院
別當之事未嘗有過失後母安倍氏性悍忌諸子皆
得譴責良繩事之順謹獨被愛重每值文德帝忌日
講法華經終身不廢時人稱其忠孝焉三代實錄

大日本史卷之一百二十七終

先考文政天保之間以寫本名於國所儲貳百餘種
天保十四癸卯年役於江戶以同年十一月七日易
簣於武州白銀細川公之郎舍時余年甫十四家貧
而祿微且水府之大日本史未上木其傳於天下皆
以手寫而其浩繁豈可容易寫得乎哉吾舊藩之有
是書也除國學館時世家國老米田氏領壹萬五
千石之食
邑之外莫有之矣雖覽寫之大藩猶仰吾藩之寫書
諦了公命藩士數人使寫之以贈島津侯可知也余
也久欲繼先考之志而以書之最鮮而借之彌難在
再送年齋志而已至嘉永年間藩之巨室田中函谷

翁

稱大助領貳千石
為齊護公扈從頭

退隱之後以能書一手而寫得

成

功人舉稱其老勇作歌詩贈焉使先考壽五十四以

終

其卒業也必矣今也史既上木人多儲之有金

求之易得也故余亦止筆於百二十六卷之首先考

之筆餘與百廿七卷今明治廿五年壬辰十一月舊依

曆七日以先考五十年之忌辰供靈前奉謝余之懈

怠柔弱不得終先志雖然為後之子孫者有繼先考

之志終編則余家之為孝子云爾

明治廿有五年十月廿九日

中村直方謹書



